

## سرى للغاية

محضر مباحثات الرئيس جمال عبد الناصر مع الملك حسين

القاهرة - قصر القبة في ٢٣ سبتمبر ١٩٦٨

### الحاضرون

#### من الجانب الأردني:

الملك حسين، بهجت التلهوني.. رئيس الوزراء،  
اللواء عامر خماش.. رئيس أركان الجيش، شوكت  
الساطي.. المستشار الخاص للملك، زيد الرفاعي..  
كبير الأمناء والسكرتير الخاص للملك، محمد أديب  
العامري.. السفير في القاهرة.

#### من الجانب المصري:

الرئيس جمال عبد الناصر، أنور السادات.. رئيس  
مجلس الأمة، حسين الشافعي.. نائب الرئيس، محمود  
فوزي.. مساعد الرئيس للشئون الخارجية، محمود  
رياض.. وزير الخارجية، الفريق أول محمد فوزي..  
وزير الحربية، الفريق عبد المنعم رياض.. رئيس  
أركان حرب القوات المسلحة، حسن صبرى الخولى،  
عثمان نوري.. السفير العربى في الأردن.

### المحتويات

#### الصفحة

#### الموضوع

- ١- الملك حسين.. الوضع في الأردن وعلاقاته بمنظمات المقاومة الفلسطينية، واتصالاته بالعراقيين والسوريين والسعوديين ١
- ٢- عبد الناصر.. لا فائدة من الحل السلمى، وإصراره على عدم ترك القدس ٣
- تحسن الوضع العسكرى، وتزايد التسليح من الاتحاد السوفيتى ٤
- التنسيق مع الفدائيين، والوضع فى الضفة الشرقية للأردن ٦
- موقف الأمريكان ٦
- تعنت الاسرائيليين ٨
- لا توجد بعد إمكانيات لعبور الجيش الى الضفة الشرقية لقناة السويس أو تغطية الجبهة الشرقية فى حالة أى هجوم اسرائيلى ٩
- ٣- عن عمليات الفدائيين ضد اسرائيل وأثرها، وعلاقتهم بالحكومة الأردنية وبالجمهورية العربية المتحدة ١١
- ٤- عن علاقات مصر مع دول الدعم العربى.. ليبيا والكويت ١٥
- ٥- التطور فى الجبهة الشرقية العربية ٢٠-١٧

## سرى للغاية

### البيان المشترك

تناولت المحادثات الموقف العربي الراهن وأهمية الصمود العربي أمام العدوان الاسرائيلي، كما تناولت المحادثات مختلف المجالات العسكرية والعربية والدولية، كما تم بحث العلاقات بين البلدين.

وقد تركزت المناقشات فيما يتعلق بالموقف العسكري، على الوضع على خط وقف إطلاق النار بين الأردن واسرائيل، وهو الوضع الذى حظى باهتمام كبير فى الاجتماع الأخير لمجلس جامعة الدول العربية الذى عقد على مستوى وزراء الخارجية، والذى تقرر فيه بالإجماع سعى الدول العربية جميعا الى دعم الجبهة الأردنية معاونة لها على الصمود.

وفىما يتعلق بالتطورات السياسية، تناولت المحادثات الموقف المشترك الذى ستخذه الدول العربية فى الدورة الجديدة للجمعية العامة للأمم المتحدة التى تبدأ اليوم، وفى مقدمة أعمالها أزمة الشرق الأوسط.

## سرى للغاية

محضر مباحثات الرئيس جمال عبد الناصر مع الملك حسين

القاهرة - قصر القبة فى ٢٣ سبتمبر ١٩٦٨

عبد الناصر: جلالة الأخ بنرحب بك فى بلدك.. القاهرة ونرحب بالإخوان، ونرجو للأردن وليكم كل خير وكل توفيق. والحقيقة الصمود اللى صمدتوه فى هذه الأيام الصعبة مثل لكل عربى بل مثل كبير، نرجو الله أن يوفقنا ويوفقكم الى ما فيه الخير للأمة العربية كلها.

حسين: سيادة الأخ.. أحب أشكر أخى اللى أتاح لى من جديد الفرصة ألتقى فيه فى هذا البلد بين إخوانى، وكل مرة آجى فيها أشعر أنى فى بلدى وطبعا زيارة أخى وإخوانى، أما الصمود، فالحقيقة ما كان ممكن أن يتم إلا بالتعاون القائم بيننا، وأيضا إخوانى إدونى مثل الوقوف أمام التحدى والخطر، وإذا كنا نعتز بشئ فهو الإخوة القائمة بينا فى كل مجال وميدان، وكلنا ثقة حتمية فى أن نحقق الانتصار الحق ونجتاز الامتحان الصعب.

لا يوجد جديد فى مهمة يارنج، والأمل الآن معقود على الاجتماعات فى الجمعية العامة، واحتمال تحقيق شئ من التقدم الإيجابى بالطرق المختلفة على العدو لكى يحسن من موقفه بالتدريج، هذا من جهة.

من جهة ثانية، محاولة البناء وتحقيق المزيد من القوة على الأرض وتثبيت إخوانا الموجودين فى المناطق المحتلة ومساعدتهم قدر الإمكان، وتهيئة القوة العسكرية لتكون أقدر على أداء الواجب فى وجه أى احتمال لمفاجأة جديدة، وأيضا المساعى مستمرة لتنظيم العمل الفدائى وأعمال المقاومة، وبشكل خاص تعاوننا الوثيق مع منظمة الفتح وقياداتها الموجودة فى الأردن.

وينشعر إن احنا مسؤولين عنهم والمعركة واحدة، وفى نفس الوقت لو استطعنا أن ننظم التنظيم الصحيح والتعاون الواحد ممكن أن نفيدهم أكثر ويفيدونا، وبالإمكان تهيئة طاقة لتغطية اسرائيل من جميع النواحي؛ سواء بإعطائهم صورة كاملة عما يجرى فى المنطقة المحتلة وفى اسرائيل بالذات، وتهيئة أهلنا وإخوانا الموجودين عندنا، والبدء فى تهيئة مجموعات من الناس تكون قادرة على معالجة أهداف حيوية وأهداف مهمة فى اسرائيل؛ لتفهم اسرائيل أن سبيلنا فى استعادة حقنا هو باستخدام القوة، وأن المشاكل التى واجهناها من طيران العدو فى الماضى ممكن أن نعالجها لو نظمنا أعمال المقاومة والقائمين فيها بشكل مناسب. والحمد لله يوجد بينا مزيد من الثقة والتعاون والنتائج إن شاء الله خير.

## سرى للغاية

فيما يتعلق بإخوانا العرب، أيضا اتصالاتنا فيهم قائمة وعلاقاتنا طيبة، في الفترة الأخيرة زارنا وزير الدفاع العراقي، والحقيقة شعور طيب والاستعداد الى الدعم والمساندة بلا حدود، وتجاوبوا مع القرار اللى اتخذ في اجتماع وزراء الخارجية هنا؛ فأعطونا مباشرة كتيبة مدفعية ثقيلة كانت موجودة عنده، ووعدونا ببقية الدبابات السنتوريون الموجودة عنده، ووعدونا في المستقبل بالإمداد بالطائرات الهنتر الموجودة عنده. الحقيقة نحن عم نجمع كل الطائرات الموجودة وأيضا عند إخوانا السوريين واللى موجودة في لبنان عدد، حتى مع استعداداتنا وتهيئتنا للمطارات والقواعد وأجهزة الدفاع الجوى تكون فيه طائرات إحنا نقدر نستخدمها بسرعة، وتحسن وضعنا، وبعدين ممكن ننقل الى الأنواع الجديدة ممكن تكون مناسبة.

فيه اتصالات بينا وبين إخوانا السوريين، والحمد لله القيادة الشرقية ظهرت الى حيز الوجود، لكن أيضا فيه شكوك وفيه مشاكل ولكن بالتعاون من الجميع ممكن التغلب عليها. وشعرت بأن الكل مهتم بمتابعة الخطر الاسرائيلى لسوريا بالذات، وكيف إنه بالإمكان نتلافى هذا الخطر عن طريق التعاون والتنسيق الكامل.

أيضا عم أحاول أساعدهم في قضية الشمال وقضية علاقاتهم مع إيران حتى إذا استطعنا نحسن الوضعية شوية، هذا راح يمكنهم في العراق من تقديم مساعدات أكثر وتكون قواته جاهزة للعمل فيما لو دعت الحاجة الى ذلك.

اسرائيل باستمرار بطبيعتها عم بتتدرب ومحاولاتها لتحطيم معنوياتنا، طيرانها بيحلق فوق حدودنا وباستمرار في منطقة الأغوار حوادث مستمرة؛ والقصد من ذلك إيذائنا اقتصاديا وهي المنطقة الحيوية بالنسبة لنا كمطقة زراعية.

لكن الحمد لله فيه شئ من الصمود ومزيد من القوة ومثانة وتصميم على الوقوف في وجه كل الأخطار والتحديات الى أن ينجلى الموقف.

طبعا عندنا في الداخل كثيرين من الناس مع الأسف كانوا بيحاولوا يستغلوا الظروف والأوضاع هادى في الخلافات بين فئات مختلفة ومشاكل أو الدعوة للقيام بعمل عسكري مثلا، لكن عم بنحاول نفوت على العدو كل الفرص ونستمر في عملية الإعداد اللى بنحاول نصل اليه ونصل اليه إن شاء الله.

الخطر سيادة الأخ.. هو في أن العدو كرر معنا العملية اللى قام بها عدة مرات في السابق، وهي ضربنا قبل ما تكمل استعداداتنا من جديد حتى نفوت عليه الفرصة، فبعد شهرين عم بنضيع وقت وعم بنبى القوة بكل ما في يدنا من إمكانيات، وفي نفس الوقت عم بنجرب إنه نفوت عليه الفرص بمحاولاتنا على الصعيد السياسى والتنسيق وفي سبيل

## سرى للغاية

نمشى الطريق الى آخره، وربما فيه أمل من وجودى فى الجمعية العامة ولو لفترة قصيرة ربما تتحرك القضية.

مرينا على إخوانا فى السعودية، وتحدثنا بصفة خاصة على المساعدة المقدمة الينا، وأخذنا بعض المعدات الموجودة عندهم بالإضافة الى ١٥ مليون جنيه اللى قدموها، وانفقنا مع الانجليز على الأسلحة المطلوبة حتى يمكن التسليم خلال فترة قصيرة. ولما نتأمل الوضع نجد أننا فى أفضل حال بالنسبة لمعداتنا ودفاعاتنا الأرضية، الحقيقة أيضا فى السلاح وفى طريقة استخدامه بشكل عام.

سمعت أيضا قبل فترة من الزمن عن بعض إشاعات فيما يتعلق باستمرار الدعم اللى عم يقدموه لنا ولإخوانى، فحببت أثير الموضوع هذا فثبت لى أن هذا الكلام ليس له أى أساس من الصحة.

عبد الناصر: هو إحنا مشينا فى الحل السلمى لأقصى ما يمكن أن نصل اليه، ونذكر من الفقرة الأولى اللى كان الأخ بيقرأ فيها المشروع الأمريكى - السوفيتى، وإحنا كان لينا تحفظات فى الوقت ده وبنقول طب الدول العربية رفضته، وبعدين قبلناه وهم ماقبلوش، فضلنا نقبل.. نقبل.. نقبل.. لغاية ما وصل الحقيقة الحد الى رقبنا يعنى! وأنا الحقيقة من الأول كان رأيى إن يارنج هيقعد سنة ونصف.. كنت بقول للإخوان إن يارنج هيقعد سنة ونص وإحنا فى الوقت ده بنكون بنبنى نفسنا.

والحقيقة المثل اللى بيقول: اللى أخذ بالقوة لا يسترد بغير القوة، واليهود داخلين على انتخابات ومين هيقدر يتنازل؟! وموجود مناحم بيجين فى الوزارة وموجود ديان وعابزين فلسطين كلها.. باين من اللى بيعموله فى غزة واللى بيعموله فى القدس. فأنا متصور إن إحنا لا يمكن أن نصل الى حل سلمى إلا إذا كنا على درجة من القوة تمكنا من إن إحنا نستبدل الحل السلمى بالحل العسكرى.

فمافيش فائدة فى الحل السلمى، وخصوصا قلت للأخ فى أول اجتماع لينا: حاول مع الأمريكان وأى حاجة وأى شئ.. ما فيش حاجة! وهو ولو إنهم بعنوا شوية طائرات وشوية دبابات، هم كمان بعنوا لاسرائيل السكاى هوك وهيدوهم الفانتوم واسرائيل وصلت لهم أسلحة، وإشكول فى كلامه من ٣ أيام بيقول: النهارده قوتنا أكثر مما كانت قبل ٥ يونيه! فلازم الحقيقة نستعد ولازم نعبأ الدول العربية كلها برضه مانزهقش ونحاول بكل الوسائل لازم كل واحد يشترك بما يستطيع، لكن بنقول إحنا ١٠٠ مليون واليهود ٢ مليون ده غير حقيقى! فلا مفر قدامنا من إن إحنا نستعد للمعركة ومعركة طويلة الأجل ونستعد للتضحيات وهننضرب وما نقدرش نسيب حاجة لحد حتى موضوع القدس لوحده. لا يمكن

## سرى للغاية

لينا إن احنا نسلم، يعنى لو قالوا يرجعوا الأرض كلها ماعدا القدس، منقدرش نقبل هذا الكلام ولا إنتو تقدرؤا تقبلؤا هذا الكلام. والقدس مش مسئولية واحد فينا بس؛ لأن دى عملية ليها رمز دينى بالنسبة للعرب والمسلمين كلهم، ولا نستطيع أن نسلم بإن اسرائيل تاخذ القدس.

العرب يقدرؤا يفهمؤا إن عندهم تفوق فى القوة البشرية، العرب يحشدؤا كام واليهود يحشدؤا كام؟! أيضا بالنسبة لعدد الطائرات الكويتية والسعودية، الحقيقة العملية مش فى عدد الطيارات العملية فى التدريب. برضه إحنا كنا فى الأول الطيارين يطلعؤا زى الميخ ١٩ ضربؤهم، دلوقتى الطيار بيدخل جوه ويبعد عن توجيه الرادار، ويبطلعؤا لها الميراج ويفلت منها نتيجة للزيادة فى التدريب اللى عملوه الفنيين السوفييت، بالشغل المستمر الحقيقة بقوا يتقؤا فى نفسهم.

يعنى بيدخلؤا يوجههم بالرادار ويسيبهم ويبدخلؤا لوحدهم زى هم ما بيحاولؤا يدخلؤا عندنا. إحنا كل يوم بندخل الحقيقة عندهم، نتيجة التدريب ما بيعرفوش يصطادؤا، لكن الأول كانوا بيصطادؤا الطيارين بتوعنا. فالعملية مش طيارات العملية تدريب.. تدريب الطيار، وبرضه العملية مش دبابات ولكن العملية تدريب، وبرضه إحنا عندنا عدد كبير من الدبابات ولكن الوقت كله مطلوب للتدريب. واللى واضح إن الجندى الاسرائيلى واخذ تدريب ٣٠ شهر.. بيدوله تدريب ٣٠ شهر فى عملية التعبئة والتنظيم بتاعتهم.

فأنا بقول: فلنحاول، الحل السلمى.. أنا رأبى يارنج مش هيعمل حاجة، حيرؤح هيقدم تقرير ومش هيعمل حاجة! وأمريكا النهارده فيه سباق بين الأمريكان النهارده على التملق لليهود وإرضاء اليهود؛ يعنى الواحد بيقعد يقرأ التصريحات بيقول ما فيش فائدة!

حتى السوفييت كانوا متصورين فيه إمكانية للحل السلمى، اللى باين عليهم دلوقتى إن العملية مش ممكن حلها سلمى.. أما كنت هناك اتناقشنا فى هذه الموضوعات. ليس أمانا الحقيقة إلا أن نستعد للقتال وبعدين لا نتعجل؛ يعنى الحقيقة آه بنحث الناس بتوعنا على الصمود ومحدش يستعجلنا للمعركة. ولكن إحنا بقى النهارده المشكلة إن زى اسرائيل ما بتقول بتحاول معانا؛ يعنى معانا إحنا الوضع بالنسبة لينا معاها النهارده يعتبر مستحيل إنها تعدى. يعنى الواحد النهارده يوم المعركة اللى حصلت أنا كنت فى إسكندرية وبلغونى، سبيبتهم ورحت - كنت فى اجازة أصلا كنت فى آخر الاجازة - قعدت لغاية تانى يوم الصبح سألت إيه وكذا، وبعدين هم كانوا مدخلين، بعد المعركة كانوا مدخلين قوات الدوريات للضفة الشرقية والكلام ده. فالسنة اللى فاتت الواحد كان بالليل ما بينامش، كنا فى شهر سبتمبر كل أسبوع يقولوا اليهود هايعدؤا! الوضع اختاف الحقيقة.

## سرى للغاية

برضه الضغط الأكبر عليكم، على الناس اللي عندكم فى الأغوار أكثر علشان يطفشوهم ويكبدوا لكم أكبر خسائر، زى ما بيعملوا معانا فى الإسماعيلية والسويس. إحنا مهجرين ٢٠٠ ألف من السويس والإسماعيلية، ودلوقتى إحنا عايزين نهجر ٢٠٠ ألف من السويس والإسماعيلية، ودول مشكلة كبيرة وتكاليف كبيرة.

لكن هو بيبجى فجأة ويروح ضارب على السويس والإسماعيلية ويطلع لى ١٠٠ قتيل! تنزل القنابل على الشوارع والبيوت والناس، فى العملية الأخيرة الخسائر كانت قليلة لأن عدد الناس قليل؛ فهو بده يكبدنا خسائر للضغط علينا.. للضغط معنويا وأيضا التأثير الاقتصادى.

طالما مافيش الحل السلمى المشرف، مافيش قدامنا إلا إن احنا نشرب هذا الكاس يعنى هنعمل إيه؟! البديل إن احنا نسلم ولا يمكن إن احنا نسلم، تنازلنا، والله إحنا كمان كان أكثر تنازلنا علشان الضفة الغربية، سينا يقعدوا عشر سنين قاعدين هم والفئران والتعابين؛ عملية هنقدر يعنى سيئا، إنما الضفة الغربية! وهم خطتهم توسعية، وإشكول قال: اسرائيل الكبرى من أول يوم، والكلام اللي بيقوله الأمريكان للتخدير ولا يمكن نقول إن اسرائيل عقلت ومش عارف إيه.. كلام! الأمريكان متواطئين مع اسرائيل تواطؤ كامل ١٠٠٪، وعايزين يعملوا معانا زى ما عملوا فى الهنود الحمر، هذا هو المزعج.

فلازم نعبئ كل قواتنا للمعركة وكل إمكانياتنا، ولازم الدول العربية تفهم هذا ولكن المؤلم إن الدول العربية مش فاهمة، وإلا كانوا قبلوا إن احنا نجتمع فى مؤتمر قمة من الأول ونتكلم على الحرب. إحنا مش هنطلب حاجة أبدا بالنسبة لينا.. بالنسبة لمصر لن نطلب منهم أى مساعدة. يعنى الحقيقة السلاح اللي أخذناه كله مادفعناش فيه ولا مليم؛ يعنى كل ده أخذنا جزء مجانا والجزء الباقي واخدينه على ١٥ سنة، يعنى هاندفع بعد سنة ٧١ ولا بعد سنة ٧٠؟

ف. فوزى: بعد سنة ٧١.

عبد الناصر: وبعدين سنة ٧١ يبقى يحلها ربنا! (ضحك) فما دفعنا ولا مليم الحقيقة، يعنى بنشتري بعض عربيات وبعض حاجات بالعملة الصعبة، يمكن دى تمثل عبء علينا لأن احنا عايزين حوالى ٢٠ ألف عربية، وده طبعا يطلعوا بـ ٦٠ مليون دولار! يعنى الاتحاد السوفيتى إدونا جزء من العربيات؛ يعنى كل ما طلبناه إدوهولنا مافيش حاجة ماخذنهاش، وإحنا لم ندفع ليهم مليم! (ضحك) والواحد لهذا الحقيقة لو مكانوش إدونا كان زمان اليهود بيضربونا بأى حاجة، كنا مافيش يعنى!

## سرى للغاية

والحقيقة يوم بادجورنى أما كان هنا، أنا قلت له: وضعنا سئ وعايزين طيارات  
وإحنا طلبنا الطيارات ماجتش! فبعد ٤٨ ساعة جالنا ٤٠ طائرة فى الطيارات.. وصلوا هنا  
بالنهار طيارات أنتتوف شايلىن ٤٠ طائرة ميح ١٧.

وكنا بنطلب وبتاع وما بندفعش فعلا! (ضحك) فالحقيقة برضه بالنسبة للناحية  
الاقتصادية وقفوا معنا؛ يعنى بعنوا لنا قمع حتى زبده طلبنا منهم، وما بيطلبوا منا حاجة.  
يعنى، يعنى قالوا الأسطول بيحى يزور إسكندرية، وكان بيحى من قبل العدوان الأسطول.  
وحتى إحنا كنا بنقول لهم هاتوا الأسطول بورسعيد، علشان مايحصلش عدوان على  
المدنيين فى بورسعيد كنا بنقول لهم: هاتوا الأسطول بورسعيد، مكناش بنهجر.. السنة اللي  
فاتت مكناش بنهجر.

فإذاً ليس أماننا ونحن نتكلم عن الحل السلمى إلا أن نستعد للمعركة، وده طبعاً  
بيدينا أهمية كبيرة جداً للجبهة الشرقية، ليه؟ لأن الأردن لوحدها فى معركة العملية بتكون  
صعبة ونفضل مع العراق؛ هم وعدوكوا إنهم هيدوكوا ٣ فرق الجيش الأردنى مع الجيش  
السورى، ويبقى لها قيادة ونحاول فى سبيلها كل ما يمكن.

العملية الثانية الحقيقة الفدائيين: هم بطبيعتهم شكاكين حتى بالنسبة لينا أنا ما  
بسألهم إنتو إيه ولا إيه، وإحنا الحقيقة مكناش على علاقة بيهم إلا بعد العدوان. شكاكين..  
طبيعة الناس اللي بيشتغلوا فى تنظيمات سرية شكاكين.. بيبقى شكاك، فدل عايزين  
معاملة الحقيقة فيها صبر وتطمين، وهم دايماً بيقولوا إحنا فدائيين عايزين نضرب وعايزين  
قوة، ودول عايزين يصفونا وده عايز يستولى علينا وده عايز ياخذنا لحسابه! وأنا عارف  
كل اللي بيحى بينهم، بالنسبة للفئات والأحزاب يعنى عايزة طول صبر، وهم الحقيقة مش  
مسيبين إزعاج لغير اسرائيل؛ عملية برضه ٢٠ قتيل فى الأسبوع أو حتى ١٥ قتيل عملية  
كبيرة جداً.

فى نفس الوقت، إحنا ابتدينا نشتغل فى الضفة الشرقية بعد ما انتهينا من عملية  
الدفاع الجوى وتنظيمه والعمليات دى. إحنا بدأنا من قريب نشتغل فى الجبهة الشرقية،  
وبرضه بندخل ناس وبرضه بدأوا بنفس الطريقة، والحقيقة مكناش نقدر نعمل كده من قبل  
ما نكون واثقين من دفاعنا الجوى والعمليات دى.

النقطة اللي بقولها بقى والحقيقة لازم نحطها فى حسابنا، المعركة مش بكره،  
وإحنا دلوقتى فى سبتمبر ٦٨ المعركة مش ٦٨ وعندنا ٦٩، لازم نحسب اسرائيل عندها إيه  
وإحنا عندنا إيه.. لازم نحسب باستمرار. وأنا الحقيقة من ٣ سنين الأمريكان قالوا لى: هيدوا  
اسرائيل كل حاجة ولن يمكنونا من التفوق عليها! والنهارده بيقولوا فى خطبهم لن يمكن  
العرب من التفوق على اسرائيل. ده يستدعى منا استراتيجية جديدة وعمليات جديدة، ولزام



## سرى للغاية

المعركة ماتكونش معركة ٤ أيام أو ٦ أيام تكون معركة طويلة؛ وده بيحتاج منا الحقيقة ضغط على أنفسنا وناسنا تفهم أيضا.

إذا كان فيه حل سلمى، إحنا قبلنا دلوقتى ما لا يمكن قبوله! يعنى قبلنا أقصى ما يمكن وأظن موافقنى على هذا الكلام. هو كان الأمريكان فى هذا سيئى النية جدا، هم برضه الروس كانوا متصورين إن فيه حل سلمى وانكلموا مع الأمريكان فى هذا، فالأمريكان قالوا لهم على حاجات فجم الروس قالوا لى، قلت لهم: موافق. راحوا للأمريكان لكن الأمريكان سحبوا كل كلامهم وقالوا لهم كلام تانى، جم قالوا لى، قلت لهم: موافق، كل اللى بيقوله الأمريكان موافق عليه، وأنا متأكد إن الأمريكان مش هيعملوا حاجة. راحوا قالوا لهم إن موافقين سحبوا كل الكلام! (ضحك) تانى وقالوا: لأ.. مش عارف إيه ورجعوا تانى!

وبعدين أنا كنت عايز برجنييف نفسه يتترفز منهم علشان يمشى لنا الحاجات اللى عايزها فوزى وعبد المنعم رياض، وبعدين بقيت أقول لهم: أنا موافق. وبعدين بعث لى رسالة وإن العملية مافيش فائدة، وإن الناس دول وإن احنا موافقين على كل طلباتكم من الأسلحة، كنا طالبين طلبات كبيرة جدا. وده نتيجة إيه؟ نتيجة إن هم ابتدوا يشعروا إن الأمريكان غير جادين وإن العملية مافيهاش الحل السلمى.

الحقيقة أما جت الرسالة دى من برجنييف، الواحد اطمئن لأن برضه أدى نتيجة إن احنا قبلنا الحل السلمى، برضه إخوانا العرب كانوا بيعايرونا بيها! وهى العملية قد تكون عملية مفيدة لأن نتيجة لهذا الروس وافقوا على طلباتنا من التسليح.

فالأمريكان يعنى وأنا قابلت برضه عدد من الأمريكان اللى هم على علاقة بجونسون.. قابلت ماكلى وقابلت لينين رئيس مجلة التايم لايف، وقابلت أندرسون، وقابلت بلاك، وقابلت مكنمارا، والجماعة دول كلهم.

يعنى كلام أندرسون وكلام ماكلى، الأمريكان إيدهم مش حرة إنهم يعملوا حاجة. وهنا باتل شافه حسن صبرى.. مافيش حاجة!

بس أنا على ثقة إن الأمريكان لو عايزين يعملوا يقدرُوا، وعندنا مثل وبيقولك دلوقتى الدنيا اختلفت عن ٥٦ و ٥٧، ولكن هو كان فيه أيزنهاور وأيزنهاور صمم على هذا وقد مش يضغط على إسرائيل، قدر يضغط على إسرائيل وإنجلترا وفرنسا ويغير الموقف كله!

هو الروس حاولوا يتفقوا على حل مع الأمريكان، حتى الفرنساويين أيضا حاولوا يتفقوا على حل على أساس إن الروس طبعاً هياخدوا رأينا فى أى نقطة. وقلنا لهم برضه: بنوافق على اجتماع الدول الكبرى الأربعة وتبحثوا وتشوفوا حل، الأمريكان مش موافقين.. أمريكا الحقيقة هى السبب فى الوضع كله.

## سرى للغاية

الحقيقة علشان الحرب تكون طويلة الأمد لابد يكون فيه الفدائيين والمقاومة والجيش نظامى كل حاجة؛ وده عايز فلوس الحقيقة وعايز صرف.

أما كلام اسرائيل إن احنا نقعد للتفاوض مباشرة، هم عارفين إن احنا مش حانقعد أبدا ولن يستطيع أى واحد فينا يقعد معاهم، وهم يعلموا هذا كل العلم ولكن بيقولوه على أساس تعقيد المسألة؛ لأن مين هيقعد مع اسرائيل ويتفاوض؟! عملية التفاوض المباشر عملية الغرض منها سد الباب والتوسع.

جولدمان قابل تيتو واتفك معاه فى الموضوع، قال له: إن هو يائس من الوضع فى اسرائيل، وإن المتطرفين ليهم اليد العليا وإن محدش بيفكر لقدام، وإن هو قعد مع الوزراء كلهم والمسئولين.. فيه ناس معتدلين وفيه ناس متطرفين، فيه ناس عايزة تحل المشكلة بتقول إن احنا هنعيش مع العرب الى الأبد، ولكن فيه متطرفين والمتطرفين رأيهم الغالب.

وبعدين هو جولدمان كان رأييه إن اسرائيل تتساهل فى هذه المرحلة وتصل الى حل سلمى؛ لأن ده معناه إن بيعيشوا مع العرب الى الأبد فهو رأييه التساهل، وبعدين شالوه من المؤتمر الصهيونى، وقالوا: إنه بيحاول التدخل فى السياسة الخارجية! وتيتو بعثلى الحديث اللى حصل.

فعلى أساس الانتخابات اللى جاية فى اسرائيل، محدش يقدر يتساهل منهم لأن فيه صراع على الانتخابات والأحزاب وفيه صراع على رئاسة الوزارة. إشكول عنده ٧٤ سنة والتطرف بيخليه يكسب، وكذلك الوضع فى أمريكا أيضا. دى الصورة اللى أنا أتصورها.

هل الملك فيصل فى اتصالاته مع الأمريكان هل فيه حاجة جديدة؟

حسين: فيه معلومات إجمالاً إنه الآن عمالين يضغطوا بشكل كبير بالنسبة لمهمة يارنج، لكن فيه شكوك إن يتبدل الوضع قبل ما يخلص جونسون..

عبد الناصر: جونسون قاعد ليناير وإن جه نيكسون هيبقى أنيل.

حسين: (ضحك).

## سرى للغاية

عبد الناصر: والله هو نيكسون كان يمينى وهامفرى كان متحرر دلوقتى بقى يمينى، كل واحد بيشتغل..  
بيشتغلوا زى البيغانات يعنى! هم الاتنين.. أنا شوفتهم الاتنين، أنا رأيت الاتنين أسوأ من  
بعض إذا كان هيجى ده ولا ده؛ لأن الاتنين اتكلمت معاهم على موضوع اسرائيل، وده  
كان الموضوع الأساسى اللى كانوا بيتكلموا فيه

حسين: سيادة الأخ نفس الوضع فيما يتعلق بالاتصالات، ضرورى نستمر فى الاتصالات بتاعتنا  
كلها للحل المشرف العادل. بطبيعة الحال القدس، لا يمكن مهما كانت الظروف نفرط فيها  
بأى شك من الأشكال؛ قضية استمرت مئات السنين نكون إحنا - لا سمح الله - الناس  
اللى بيفرطوا فى حق العرب؟! لكن على ما يبدو لى نحاول نكشف اسرائيل.

عبد الناصر: نمشى فى الحل السلمى.. فيه ناس بتقول: نترك الحل السلمى، لكن رأيت لأ.. مانقولش  
نترك الحل السلمى.

حسين: والاستعدادات بأقل بكثير من إمكانياتنا.

عبد الناصر: يعنى هم الليبيين جابوا طائرات فانتوم.. تعاقدوا على طائرات فانتوم! (ضحك)

خماش: أنا معرفش الفانتوم يافندم، أنا أعرف إنهم خدوا صواريخ جديدة من إنجلترا، ولكن أنا  
سمعت الآن من سيادة الرئيس أن الفانتوم تعاقدوا عليها، ولكنهم لم يتعاقدوا عليها على حد  
علمى أنا، وكان هناك خطأ مطبعى فى الصحف العربية وصور الطائرة ليست فانتوم.  
وبالنسبة للصواريخ، ليبيا تعاقدت مع إنجلترا والتسليم سنة ٧٠ لأنهم الى الآن لم يلجوا  
حاجة الجيش البريطانى.

عبد الناصر: دى زى الـ red eye؟

خماش: نعم، ونحن أول من طلب منهم ووضع عندهم طلبية لها النوع، وفى منتصف ٧٠  
سنحصل عليها.

عبد الناصر: دى للمدى الواطى؟

## سرى للغاية

خماش: نعم.. لوحادات المشاة فى الأمام، وأنا متأكد أن ليبيا لا فانتوم ولسه الصواريخ لم تصلها.

التلهونى: الفانتوم.. إيران.

عبد الناصر: إيران.. آه.

خماش: أنا لى وجهة نظر بسيطة يسمح لى سيادة الرئيس، وهى نقطة حساسة جدا وباعتقادى خطيرة جدا، وهى إن إخواننا هنا فى الجمهورية العربية المتحدة يتولون الدفاع المطلق عن الضفة الغربية من القنال، وفى نفس الوقت مسيطرين السيطرة كاملة على أعمال الفدائيين فى الضفة الشرقية للقنال اللى هم بتوع سيناء. عندى أنا القيادة الشرقية لسه مااستكملتش، علما بأنى كنا مستعجلين جدا ووديت الضباط من ١٤ الشهر يلتحقوا، ولسه الى الآن وممكن يكون فى أول الشهر القادم.

فمن دراسات قائد المنطقة الشرقية للمنطقة السورية مش مبسوط..

عبد الناصر: مين هو.. الأنصارى؟

خماش: لا.. اللواء نورى خليل، كان سابقا فى القيادة الموحدة عندنا مع عبد المنعم رياض، فإجه واحد تانى وهو الآن بيستطلع الجبهة الأردنية، وهو رأيه أن قواتهم فى الخلف بعيدة جدا عن التداخل فى المعركة؛ وبالتالي حاول معهم أن تكون قواتهم فى الأمام إذا صار أى شئ.

فالى أن تقف القيادة الشرقية على قدميها وتنسق وتنسيق بات، وتتكامل القوات العراقية التى تحتاج الى أشياء كثيرة، والقوة الجوية فى هذه المرحلة ضعيفة جدا فى التهيئة تبعها؛ عموما المنطقة الشرقية تحتاج الى مطارات ودفاع جوى كويس، والتدريب فيه نقص كبير عموما. مقابل هذا مافيش أى تنسيق فى قضية العمليات الفدائية، وقطعا نحن عم بنحاول جاهدين - مثل ما تفضلت سيادتكم - بإن احنا بصدر وعقل واسع نتفاهم. وفيه شئ من التنسيق مع فتح بالذات، والمنظمات الصغيرة من الصعب التنسيق معهم، إلا أنه فى ها الفترة الحرجة هذه تكون المنطقة الشرقية معرضة للخطر أكثر بكثير من القيادة الغربية.

## سرى للغاية

فى ها الفترة العلميات الفدائية، هل ممكن ما إن نسقت بالفعل تنسيق صحيح أن تجرنا الى معركة الاسرائيليون يختاروا زمنها ومكانها؟! وعندهم الإمكانيّة أن يضرّبوا بقوات واسعة وبصفة خاصة من مرتفعات الجولان، وهم آخر مناورة إلهم كانت فى ٩/٣ فى منطقة الجولان بلواء مدرع. السؤال هنا.. إذا صار هذا هل الامكانية أصبحت فى نظر سيادة الرئيس لدى القوات فى الجمهورية العربية المتحدة أن تتدخل فى المنطقة الغربية؛ بحيث تاخذ قسم من القوات الاسرائيلية حتى يعالج القسم الباقي أو تتمكن اسرائيل أن تضع زخم قواتها على المنطقة الشرقية اللى لازالت ضعيفة فى الفترة الحرجة الآن؟! هذا السؤال الرئيسى.

عبد الناصر: إحنا دلوقتى مانقدرش نقول إن احنا مستعدين إن احنا نعبر الى الضفة الشرقية. زى ما قلت لكم الدور اللى فات: الحقيقة موضوع العبور بالنسبة لينا موضوع جديد خالص، مكناش بنحسب على عبور ولا عندنا معدات؛ يعنى دلوقتى عبور الدبابة عايز العملية اللى بتعبر عليها الدبابة. الحقيقة طالبين الحاجات دى كلها، فيه بعض حاجات جت وبعض حاجات فى الطريق. عايزين كبارى عايزين مش فاهم إيه، نفس عملية العبور عايزة تدريب على جدا؛ لأن احنا ماقدمناش مانع واحد إحنا قدامنا القنال، وحاطين هم وراء القنال مانع ترابى ارتفاعه ٨ متر.. يعنى بالبلدوزر مانعين، حتى إذا الدبابة عدت إذا كان قدامها مانع ترابى ٨ متر، ودى تعوز عملية ثانية بقى بعد كده.

خماش: نعم.

عبد الناصر: إحنا غير مستعدين، حتى أنا قلت هذا الكلام علنا: إحنا النهارده بنقدر نردع يعنى الدفاع ثم الصمود وبعدين الردع، لكن لسه ماحناش فى وضع يمكننا من إن احنا نعدى الى الضفة الغربية.

خماش: سيادة الرئيس. أنا أثرت قضية التنسيق مع الفدائيين، لأنه بالفعل موضوع هام جدا فى الفترة الحرجة بالنسبة للقيادة الشرقية، وأشعر أنه يجب أن يكون هناك تعاون مطلق ما بين الدول الأربع فى القيادتين، لأنه فى الفترة الأخيرة قضية قصف بيسان بالصواريخ، وأنا معرفش عندهم أم لا؟!!

## سرى للغاية

أنا طلبت أبو عمار إنى أشوفه طلبته ٣ - ٤ مرات للغاية الآن، وعاطين أهمية كبرى جدا من الإنجليز والأمريكان وإزاي نسوى عمل لنمنع هذا؛ على أساس أن القوات الأردنية بتساعد على إنه هادا محمول على سيارة وثبت إن كاتوشكا الصواريخ اللي سقطت. ففى الفترة هادى فيه شئ من التهديد المباشر، طالما أن الجناح العسكرى المتطرف هو اللي مسيطر ولازال يشعر إنه بإمكانه أن يحتل المرتفعات الشرقية، وبالتالي يؤمن كليا عدم الفدائيين فى المنطقة الغربية.

عبد الناصر: هو هذا الموضوع قائم من أشهر وإحنا اتكلمنا فيه من أشهر، والحقيقة موضوع الفدائيين زى ما قلت لكم هو موضوع حساس بيعوز صبر وبيعوز إشعارهم بالثقة؛ حتى لا يحصل صدام وبالتالي تحصل مشاكل داخلية بتعقد الموضوع أكثر.

حسين: سيادة الأخ.. الحقيقة هو عدم وقوع صدام الى الآن هو ناتج عن عدم رغبتنا إنه لاسمح الله أى شئ يشوه صورتها، وهناك محاولات مستمرة لتطمينهم، وعم بنشعر بصراحة بأنه تقع عليهم خسائر كبيرة نتيجة الدسائس عليهم من قبل اسرائيل مثل ما صار فى السلط، وعملية السلط كانت عند اسرائيل ساعة بساعة حتى قامت بالهجوم نفسه، ومعلومات دقيقة عن مين اللي موجود فى المنطقة وليه موجود أكثر من المعلومات اللي متوافرة عندنا إحنا!

عبد الناصر: ما هم ضربوا البيوت اللي..

حسين: معناه حتى إن العناصر اللي بتدخل جوه اسرائيل عم بتكون مكشوفة. وأنا قانع شخصيا إنه ربما لو انتظم تنظيم سليم ١٠٠٪، لربما ٥٠٪ الى ٧٥٪ من طائرات اسرائيل قد يتعطلوا على الأرض.. هذا فى حد ذاته معلومات عن اسرائيل نفسها. وبعدين العمل فى الداخل عم بيشجعهم، وعم بنحاول نمنعهم من استخدام أسلحة ثقيلة اللي عم بتظهرنا تماما أننا متواطئين فى العمليات هذه، وفيه بينا اتفاقات ولكن أحيانا عم تقلت الأمور.

سمعنا أنه فى الكويت وزير الخارجية داعى لاجتماع للمنظمات الفدائية! (ضحك) حتى يبحثوا الموضوع ككل، بيكتفوا العمل كله من أجل فلسطين وقضية فلسطين بيبعض المظاهر! (ضحك)

لكن إجمالاً كل المحاولات للتعاون والتنسيق، ونريد فعلاً أن نستخدم السلاح استخدام كويس، وإذا ضرب اسرائيل نضربها ضربة اللي توجعها يعنى، وأيضا نتحاشى

## سرى للغاية

أن نعطيهم الأسباب لفرض المعركة زى ما فرضوها عدة مرات فى الماضى قبل ما نكمل استعداداتنا بالشكل الصحيح.

عبد الناصر: إذا صممتوا الحقيقة على هذا بتقدروا، وأنا فى المرات اللى شفت ناس منهم يعنى أنا رأيت إنهم لازم يتعاونوا معاكم تعاون كامل لأن المعركة الحقيقة معركة واحدة.

أردنى: سيادة الرئيس - اسمحولى أتحدث عن موضوع الفدائيين - إحنا شعرنا فى الفترة الأخيرة بالنسبة لضفة الشرقية للقناة إن فيه حركات فدائية، وكذلك شعرنا من اجتماع وزراء الخارجية من ماخوس أنهم يبيتون لعمل من نفس النوع فى الجبهة السورية؛ فأنا أعتقد سيادة الرئيس وطبعاً مثلما ذكرت سيادتكم، أن المعركة طويلة وعمل الفدائيين فى الحالة هادى بيكون مفيد إذا كان يوزع على الجبهات الثلاثة. حتى نحن الآن عم بنستثنى لبنان الحقيقة، لكن حبذا لو لبنان أيضاً كان فيها حركات ولو بسيطة؛ هادا بطبيعة الحال بيخفف.

الناحية الثانية من ناحية الفدائيين: هذا أنا بأستأذن جلالة سيدنا فى قوله: إحنا ماشيين فى الحل السلمى وقرار ٢٢ نوفمبر على أساس إنه لو فيه منفذ صغير نأخذ هذا المنفذ؛ حتى لا يقال إن احنا طلاب حرب فقط. فى اعتقادى أنا لو أردنا أن الناحية السياسية تكون سليمة، لازم يكون فيه تأثير على إخوانا الفدائيين فى الجبهة الأردنية بصورة خاصة؛ إنه تسلط الجهود فى المنطقة القديمة المحتلة فى اسرائيل بالذات، وتترك المقاومة فى الضفة الغربية لأهل الضفة الغربية بالشكل اللى هم بيغوه؛ بالمظاهرات أحيانا بيحملوا السلاح.. الى آخره، بحيث إنه تستطيع أن الحل السلمى يكون ماشى، وأيضاً على المدة الطويلة هناك المزعجات من الفدائيين بصورة خاصة فى الضفة الشرقية.. معرفش!

بالنسبة لنا فى الأردن، يقولون سياسياً ودولياً: بتقولوا حل سلمى وكل العمل الفدائى جاي من عندكم. فى الواقع عندنا وضع خاص وهو أن ضباطنا وجنودنا لهم عطف خاص للعمل الفدائى وهم بيعملوا مع العمل الفدائى.

من ناحية الدولة، نحن مرتبطين بقرار ٢٢ نوفمبر، ولا يوجد من لا يؤيد العمل الفدائى سواء فى القدس أو الضفة الغربية، ولكن يتناقض مع ذلك أن فدائى يشتغل من الأردن. أعتقد أن هذا التنسيق دولياً له أهمية خاصة الى أن تستنفذ الأسباب التى تتعلل بها اسرائيل.

## سرى للغاية

حسين: لابد من التعاون والسيطرة بحيث كل خطوة نأخذها نبحثها ونشوف إيه نتيجتها، ونهيب القوة اللي تؤثر على العدو تأثيرا كبيرا.

عبد الناصر: هو بالنسبة لفتح، إحنا لم يكن لنا علاقة بها خالص الحقيقة، رغم إنهم اتصلوا بينا قبل العدوان لكن مكانش لنا علاقة بيهم خالص، الى أن قابلت أنا خالد<sup>(1)</sup>.. جابهولى حسنين هيكل فى يوم ما. أنا شفته وقلت له: والله أنا الفكرة عنكوا إنكم إخوان مسلمين وكذا وكذا.. ده كان أول لقاء يعنى مع خالد اللي مات الله يرحمه.

بعد كده شفتم مرتين أو ثلاث مرات لكن مالناش سيطرة عليهم.. أنا بدى أقول هذا الكلام. ومن الأول سياستنا الحقيقة إن احنا - كان بيؤخذ علينا كلام إن أجهزتنا بتقرض نفسها والكلام ده.. الدعايات الطويلة - حاولنا أن نبعد كلية عن محاولة التدخل أو عن أى شئ فى هذه النواحي؛ حتى لا ندخل فى مشكلة نحن فى غنى عنها. يعنى ده الوضع الحقيقة بينا وبين فتح، بينا وبين التانيين أيضا نفس الشئ الجبهة الشعبية والمنظمات الأخرى. يعنى الحقيقة إحنا سياستنا بعد ٥ يونيو ما بنحاولش ندخل فى مشاكل، بنحاول نبعد ما بندخلش فى مشاكل زى الأول؛ أهو بورقيبة بيشتم فينا كل يوم، وبعد اليهود ما يمشوا نبقى نتكلم! (ضحك)

أصوات: (ضحك)

عبد الناصر: ودلوقتى ما حناش هنرد عليه أبدا! وجم فى الجامعة العربية وعملوا اللي عملوه وعملية الحقيقة هى عملية فرقة، وإحنا برضه لا ردينا ولا اتكلمنا ولا اتدخلنا لأن الحقيقة العملية أكبر بكثير من أن ندخل فى خناقة.

ولكن أنا فى كلامى مع بتوع فتح اللي شفتم، إنهم يعنى لازم ينظموا أنفسهم، ويقول لهم رأى إزاي فى المعركة ودخلتوا فى المعركة لازم الحقيقة يبقى فيه مساندة وتنسيق. هذا الحقيقة يحتاج الى جهد منكم، ويحتاج الناس اللي تتصلوا بيهم يكون ناس فوق مستوى الشبهات ناس موثوقة علشان..

---

(1) خالد الحسين.. أبو السعيد، أحد قادة حركة فتح.



## سرى للغاية

حسين: تقصد سيادتك إننى.. (ضحك)

عبد الناصر: وأنا رأى إن هو ده أسلم شئ الحقيقة، برضه العملية أما يقابلوك بي شعروا.. العملية الحقيقة قد تاخذ بعض الوقت وبعض التعب وتحتاج ساعات صبر، لكن هو ده الحقيقة أسلم طريق. وأنا هنا والله أنا شوفت الطلبة وزعماء الطلبة، ناس برضه بيجوا من فتح وناس بيجوا من سوريا.

حسين: سيادة الأخ.. بالنسبة للدعم من أشقائنا العرب؟

عبد الناصر: أنا والله أول إمبراح شايف ميزانية ليبيا ٦٠٠ مليون جنيه ولآ ٥٨٠ مليون جنيه، كانت من ٦ سنوات ٩ مليون جنيه! (ضحك) أنا باعرف إن الملك السنوسى هو رجل طيب هو شعوره كويس، ولكن هل هو النهارده نتيجة سنه هل هو مسيطر؟! هو نفسه راجل كويس معرفش رئيس الوزارة الجديد.. كان وزير الخارجية تعرفوه؟

التلهونى: نعم.. لكن ما عرفناه بشكل عميق.

عبد الناصر: والبكوش قال: بيمر على كل الدول اللى تأثرت بالعدوان، ولف راح زار لبنان ومش عارف إيه وسابنا إحنا.. الواحد مستغرب يعنى! (ضحك)

أصوات: (ضحك)

عبد الناصر: وبعدين مشى.. إزاي برضه كده فجأة فى يوم وليلة وجه وزير الخارجية؟! هم الحقيقة برضه الليبيين لو يدعموكم تنفيذًا لقرار وزراء الخارجية الأخرانى بيبقى كويس، وبعدين هم عندهم ميزانيتهم.. كم عدد سكانهم ١,٥ مليون، الميزانية ٥٨٠ أو ٦٠٠ مليون جنيه الأخرانية من شهر!

الشافعى: معظمها فى عمليات طرق وعمليات مبانى ومدخلين جميع الشركات الأجنبية، والإدارة الانجليزية هى المسيطرة والسلطة السياسية طبعا الأمريكان، وبعدين الطلائنة لهم فى المجال الاقتصادى نشاط ضخم. والملك طبعا بالنسبة لسنه بالنسبة لصحته يعنى ما بيديش

## سرى للغاية

فرصة للاتصال كثير، زى ما الرئيس بيقول إن هو راجل حتى علاقته بينا عاش هنا ٢٥ سنة أحاسيسه طيبة، لكن مجمد.. يعنى ما بيتصلش كثير.

عبد الناصر: وهو ولى العهد ملوش فاعلية.

ف. فوزى: الهجرة الى ليبيا..

عبد الناصر: الطلاينة.

ف. فوزى: الاحصاء اللي ماشى بعد ١٠ سنين ببصبح المواطنين الليبيين أقلية.. اليونان والإيطاليين.

عبد الناصر: وبعدين هم فى تعاملهم معانا، أى عطاء عندنا بيكون أقل من العطاءات كلها.. ماياخدوهوش! إحنا نستطيع الحقيقة فى عمليات المقاولات والمبانى وبندى عطاءات أقل بكثير من العطاءات الأجنبية. لما راح الأخ حسين إتكلم معاهم فى هذا الموضوع لكن ما فيش استجابة! ومرضه بالنسبة للعمال بياخدوا عمال من..

الشافعى: ده حتى الأطباء بيجيوا أطباء من الصين.

عبد الناصر: من فرموزا!

الشافعى: وترجمان! (ضحك) لكن ماياخدوش حد منا.

عبد الناصر: وبعدين هل هم هيعزلوا نفسهم؟! مش ممكن هيعزلوا نفسهم.

حسين: الكويتيين.

عبد الناصر: ما شفتهم، ولكن شفت اللي نشر فى المجلات!

التلهونى: الدستور.

## سرى للغاية

أصوات: (ضحك)

عبد الناصر: موضوع الطائرات القديمة، فليس أماننا إلا نصمد.

التلهونى: سكتنا، وبعدين جاءت الجريدة "الرسالة" فى الوقت اللي عقد فيه مؤتمر وزراء الخارجية، قالوا: هم أعطونا طائرات مقاتلة ورفضناها، أعطونا عبارة عن دبابات حديثة ورفضناها، أعطونا السلاح ورفضناه!

عبد الناصر: الفلوس.

التلهونى: النقد، كما قال شيخ الكويت بالحرف الواحد.

عبد الناصر: معلىش.. يعنى برضه إحنا بيهاجمونا فى الجرايد عندهم هناك.

التلهونى: الهجوم مشترك على جلالة الملك وعلى سيادتك مع بعض.

عبد الناصر: فيه جريدة اللي هى المفروض إنها بتاع الحكومة اللي هى جريدة "الرأى العام"، ولكن إحنا أهو برضه بنطول بالننا يعنى مانفرعش حاجات بحيث نقدر نلم الحقيقة لأن المعركة هتكون صعبة جدا هتعوز كل الإمكانيات، إذا كان مافيش حل سلمى المعركة صعبة جدا.. ماهى المعركة سهلة، ليس أماننا إلا أن نصمد.

حسين: بخصوص المعدات اللي طبلناها.. الدبابات والصواريخ..

عبد الناصر: هو الحقيقة السلاح ضد الطيران الواطى ده له أهمية كبيرة بالنسبة للعمل ضد اسرائيل.

حسين: بخصوص اجتماعاتكم؟

خماش: إتأجل الى يوم ٢٥ الشهر القادم، لأنه رئيس الأركان العراقى راح الى موسكو، ويفضل أن يؤجل الى أن يأتى لأهمية الاجتماع. سيادة الفريق أول برضه هيكون غائب، وبالفعل قائد الجبهة الشرقية لازم إنه يكون مهياً نفسه على ٢٠ الشهر.

## سرى للغاية

ف. فوزى: هو المفروض اجتماع رؤساء الأركان يتم بعد عرض الخطة، والخطة هتعرض بواسطة قائد الجبهة الشرقية يوم ٣٠ فى القاهرة ثم يتم التصديق عليها، يصبح اجتماع رؤساء الأركان لأغراض إمكانيات بعد التصديق على الخطة. وقائد القوات الجوية الجبهة الشرقية بيحضر الليلة للقاهرة، هو ورئيس الأركان بياخذ توجيهاته كذلك.

خماش: هيبقى اليوم؟

ف. فوزى: نعم.

خماش: العزاوى.. الليلة.

ف. فوزى: الليلة؟

خماش: صادق العزاوى - ياسيدى جلالة الملك - عميد متقاعد كان وأعادوه للخدمة.

ف. فوزى: الخطوات العادية لتكوين الجبهة ماشية كويس، لغاية دلوقتى مافيش قدامى شئ أقدر أقول عليه تقاعس.

عبد الناصر: هى عايزة جهد وناحية سياسية قطعاً هتؤثر باستمرار، ودى عايزة جهد وضبط نفسى كبير.

ف. فوزى: متوقع أنا يوم عرض الخطة، شئ معقرب من ناحية تمركز القوات السورية حسب خطة الجبهة الشرقية.. متوقع.

المفروض يتم الصمود محليا على مستوى الدول، خدنا هذه المرحلة ثم تنتقل مرحلة أخرى فى الصمود على مستوى الجبهة الشرقية، هنا الحساسية فى تغيير تمركز القوات بحيث تغطى الجبهة الشرقية. وجهة نظر القائد، فى هذه الحالة هيتناسب إن هو من دولة واحدة ويبتدى ينسق قواته بحيث إن هو يغطى الجبهة كجبهة.

## سرى للغاية

عبد الناصر: هم إخواننا السوريين بيشرطوا إن القيادة السياسية يكون لها رأى فى أى عملية تحرك، وهم ليهم حق طبعاً فى هذا.. ظروفهم وأوضاعهم. وإحنا الحقيقة الواجب علينا إن احنا مانعقدش الأمور فى هذه المرحلة أبداً؛ بنحاول ناخذ وندى، وبرضه من ناحية القيادة السياسية نحاول نديها وقتها حتى نوقف العملية على هيكل تقوم عليه؛ لأن موضوع الجبهة الشرقية موضوع مش سهل ولا تمش ومانقدرش نعتبر إن الإمضاء على الورق إنه تم، هيعوز جهود مننا وسعة صدر أكثر فلانم نحاول.

حسين: لكن فعلاً عدم وجودهم فى الأمام! فوجودهم يساعد على أننا نسحب جزء من قواتنا الللى فى الأمام للتدريب، بالإضافة الى القصف الاسرائيلى علينا؛ منطقة مكشوفة واسرائيل تستطيع أن تتحرك فيها بكل سهولة وتهددنا وتهدد القوات العراقية، فقط لو تتحرك للأمام بحيث يسدوا هذه الثغرة.

خماش: عندما قصف الفدائيون بيسان، الاسرائيليين قصفوا إربد من الجولان، وهى بعيدة عن مدى المدفعية بتاعتنا.. المدفعية الثقيلة. وإحنا منسقين تنسيق معهم كامل لأن التأثير على مدينة مثل إربد مكتظة بالسكان تعمل تأثير كبير، قلنا لهم: قصف معاكس، قالوا: نستأذن الشام!

عبد الناصر: قالوا إيه؟!

خماش: قالوا: يستأذنوا الشام فى هذا الموضوع وما قصفوا! نتوقع إن شاء الله إن القيادة الشرقية تحلها النقاط.

عبد الناصر: هو الموضوع الحقيقة عايز تقدير حقيقى للواقع، الواقع فى الثلاث بلاد فيه اختلاف أساسى بينها فى الناحية السياسية؛ يعنى برضه فيه سوريا والعراق فيه خلاف، وسوريا والأردن فيه مشاكل. فده لازم نحطه فى تقديرنا، ثم نصل الى المعادلة.. إزاي بقى نجنب هذه الخلافات ونحلى القوات العسكرية تشتغل كقوات عسكرية بعيدة عن هذا الخلاف السياسى؟! ده موضوع عسير وعايز جهد كبير جداً أساساً من الفريق فوزى، وهو تعب فى هذا الموضوع وراح بغداد وسافر كذا مرة وحضر اجتماعات هنا واشتغل علشان العملية تقف على رجليها؛ فهى تقريبا دلوقتى وجدت وعايزة جهد.. يعنى مانياس وبرضه نعتبر أن الزمن فى هذا الى جانبنا.

## سرى للغاية

حسين: كل فرصة مطروحة بنحاول..

خماش: نستغلها أحسن استغلال.

حسين: لكن إخوانا السوريين هم اللي يعرقلوا المسائل.

ف. فوزى: متوقع اعتمادات مالية تيجى من العراق، نتيجة قبولهم الوضع إنهم يصرفوا على الدفاعات فى الجبهة الأردنية.

عبد الناصر: وهو أنا النهارده قابلت وزير التزبية العراقى - أول واحد مسئول الحقيقة أقابله - هو كان جاي برسالة من البكر بيقول - وفيه رسالة كان جابها أيضا وزير الخارجية نفس المعنى - إنهم ملتزمين بعملية الجبهة الشرقية وبالمعركة وبأنها فوق كل شئ. إن شاء الله ربنا يوفقنا ونصمد.